




方輿考證卷七

京師

京城

紫禁城

在皇城之內

南北各二百三十六丈二尺東西各三百二丈九

尺五寸中周六里繚牆一千七十八丈有奇凡四門南曰午門

前接端門

北曰神武東曰東華西曰西華四維皆有角樓午門之左

曰左掖門右曰右掖門午門內東西兩廡各二十二間皆崇基

東廡之中爲協和門

東出東華門

西廡之中爲熙和門

舊名雍和門出西華門

北曰太和門左曰昭德右曰貞度門內東西廡各三十二間東

廡中爲體仁閣北爲左翼門西廡中爲宏義閣北爲右翼門

今呼

阿思哈門

正中南向者爲太和殿殿左右各一門左曰中左右曰中

右北爲中和殿又北爲保和殿殿左右各一門左曰後左右曰

後右殿後崇階列陛東出者爲景運門西出者爲隆宗門北南

向者爲乾清門門內卽爲 乾清宮矣

午門爲紫禁城正門三闕上覆重樓九間左右各一闕西向者爲左掖東向者爲右掖上覆鐘鼓明廊翼以兩觀傑閣四聳與中相輔俗稱五鳳樓凡 視朝則鳴鼓於樓上 駕出入則鳴鐘祭享 太廟則以鼓凱旋獻俘則 御午門行受俘禮歲十

月朔頒時憲書於午門外

凡文武官出入由左其右門惟宗室行之左右掖門各折而北不常啟惟

朝百官各以東西班次由掖門入又殿試貢士按名次奇名由左偶名由右餘準此按午門連左右掖共五門

太和門九間三門前後陞各三出左右陞各一出前列銅獅二

環以金水河跨石梁五卽內金水橋左右各一門皆南向

卽昭德貞

度其兩廡爲領侍衛檣房

乾清門五楹中三門前陞三出各九級陞前列金獅二凡 御

門聽政於此左旁爲內左門右傍爲內右門墀下東西各一門

卽景運隆宗門也皆五楹內左右門東西周廬各十二楹東爲文武大臣奏事待漏之所西爲侍衛房及內務府軍機處直舍皆南向其相對周廬爲宗室王公待漏之所

宮殿

太和殿

在太和門內

基高二丈殿高十一丈廣十一間縱五間上爲重

檐脊四垂

御題額曰建極綏猷殿前丹陛環以白石闌陛五

出各三成

陸間共列鼎十八銅龜銅鶴各二日圭嘉量各一

每歲元旦冬至萬壽三

大節有大慶典則

御殿受賀凡大朝會燕饗

命將出師每

科傳臚及百僚除授謝恩皆御焉

丹墀內爲文武官行禮位範銅爲山形鑄正從一品至九

品東西各二行行十有八列之於御道旁

殿左右各一門卽中左中右也

中和殿

在太和殿之後

縱廣各三間方檐圓頂

御題額曰允執厥中南

北陛各三出東西陛各一出凡祭祀

視祝版及耕籍視五穀

農器於此至 玉牒告成亦恭進於此

保和殿在中和殿之後九間重檐垂脊 御題額曰皇建有極前後陞各

三出與中和殿丹陛相屬殿後陞三成三出北向殿左右各一門即後左

後右也每歲除夕筵宴外藩皆御焉 列祖寶訓告成備儀仗

恭進於此朝考新進士亦於保和殿按太和門殿明皆曰皇極又曰奉天中和明曰華蓋

又曰中極保和殿明日建極又曰謹身

文華殿在協和門東南向崇階九級前為門三間後為主敬殿每

歲二月 御經筵於此文華殿之東為 傳心殿前為景行門祀皇師帝師王師先聖先師之位文華

殿後為文淵閣凡三重上下各六楹貯四庫全書於此乾隆辛丑以後經筵畢 賜講官茶於此又文華殿門南對內閣內閣

在昭德門東南隅為大學士直舍閣南向其外門本西向今又於閣東北開正門與文華殿相對又文華殿東北度石橋為三

座門

武英殿在熙和門西西華門內南向崇階九級環繞御河跨石橋

三前爲門三間內殿宇前後二重皆貯書板

北爲浴德堂爲修書處武英殿之西

爲清字經館故尙衣監也再西爲器皿庫再西卽咸安宮武英殿南爲南薰殿藏歷代帝后圖像按前明時貯於內庫中乾隆

十四年移藏於此

乾清宮

在乾清門內是爲中宮

廣九楹深五楹

世祖御書額曰正大光明

召對臣工引

見庶僚御焉每歲元旦宴諸王於此宮之左

爲昭仁殿右爲宏德殿

按昭仁殿藏宋金元明舊板書籍四百部名天祿琳琅殿後爲五經萃室宏

德殿南爲端凝殿又南東出者爲日精門又南轉向北者爲上

書房端凝殿東西相對者爲懋勤殿殿南爲批本處又南西出

者爲月華門門之南爲奏事房轉南向北者爲南書房

內廷詞臣直廬

昭仁殿之左東出者爲龍光門宏德殿之右西出者爲鳳彩門

交泰殿在

乾清宮後制如中和殿藏

御用寶璽於此凡二十

有五東廡左出者爲景和門西廡右出者爲隆福門

坤寧宮廣九楹左爲東暖閣右爲西暖閣東暖閣之東爲永祥門

稍北爲基化門俱東出西暖閣之西爲增福門稍北爲端則門

俱西出宮之後正門曰坤寧門

按坤寧門外爲御花園有東西
環苑門北爲天一門門北爲

欽安殿殿後左曰延和門右曰集福門正
中曰順貞門順貞門之北卽神武門矣

東宮日精門東爲東一長街有景仁宮承乾宮鍾粹宮宮

之東爲東二長街有延禧宮永和宮景陽宮齋宮凡

祀致齋
於此又東爲毓慶宮

西宮月華門之西爲西一長街有永壽宮翊坤宮儲秀宮

宮西爲西二長街有啟祥宮長春宮咸福宮重華宮又

月華門之西爲遵義門中南向者爲養心殿爲宵旰寢興

之所召對引見視乾清宮

奉先殿在肅誠門內

在景運
門之東前後殿各七楹中奉安

列聖神

龕凡大典禮及乘輿出入則有告歲時節序朔望則有薦忌
辰則有祭日三獻如事生禮又東爲寧壽宮宮後爲養性
殿

慈寧宮在隆宗門之西又西爲壽康宮壽康宮後爲壽安宮

宮之北爲英華門內爲英華殿

皇城

在內城中包紫禁城外

周十八里有奇廣袤三千六百五十六丈五尺

高一丈八尺正南曰大清門少北曰長安左門長安右門東曰

東安門西曰西安門北曰地安門大清門之內曰天安門天安

門之內曰端門端門之內左曰闕左門右曰闕右門正北卽

紫禁城之午門矣

大清門三闕上爲飛簷重脊前地正方繞以石闌名碁盤街

門明曰大明門碁盤街又名天街

門之內爲千步廊東西向各百有十間又折

而北各三十四間東接長安左門西接長安右門

凡吏兵兩部月選官刑部

秋審禮部鄉會試磨勘俱集於廊房之左右

天安門

按明曰承天門八年更是爲

本朝順治皇城之正門

五闕上覆重樓九間前環

金水河跨石梁七卽外金水橋也前立華表二門內立華表二

凡頒

詔設金鳳朶雲於天安門上朶口正中宣詔官朝服領者

老咸集行禮奉

詔承朶雲由金鳳銜下門內東西兩廡各二

十六間東廡正中爲

太廟街門西廡正中爲

社稷街門

端門門制與天安門同門之內東西兩廡各五間其北東有

廟右門西有

社左門迤北兩廡各四十二間爲部院府寺監

朝房又北東西出者卽闕左右門也門北東西兩廡各三間爲

王公朝集之所

東安門直

皇城東少南與內東華門相對

西安門在 皇城東少北與景山相對

地安門

舊名北安順
治九年改名

在景山北俗名厚載門北對鼓樓

京城

即內城包
皇城外

周四十里凡九門南面三門正南門曰正陽門南

之左曰崇文門南之右曰宣武門東面二門正東曰朝陽門東
之北曰東直門西面二門正西曰阜城門西之北曰西直門北
面二門北之東曰安定門北之西曰德勝門

正陽門俗稱前門元名麗正門明正統間改今名正陽門設而

不開惟 大駕由之月城東西設二洞子門爲官民出入

基盤
街在

正陽門內北連大清門周繞以石闌四圍列肆長廊百貨雲集
亦名千步廊東月牆在東洞子門外至正陽橋形如扇面列肆
居之其傍城夾道曰荷包棚西月牆在西洞子門外
至正陽橋形與東月牆同其傍城夾道曰帽兒棚

崇文門元爲文明門又曰哈達門

以哈達大王府在
門內因以名之

或訛爲海

岱門明正統間改今名

宣武門元爲順承門明正統間改今名至今人猶呼順承門

朝陽門元爲齊化門正統間改今名按元京城東面三門正東曰崇仁門東之左曰光熙

門東之右曰齊化門自明改築京城崇仁門久廢而朝陽門至今人猶呼齊化

東直門應卽元崇仁門明永樂十九年立按明初徐達營建北平城元都城東西迤

北之半則元時光熙門應在今城外而東直當卽崇仁矣

阜成門元曰平則門明正統中改今名俗猶呼平則門按元都城西面

亦三門正西曰和義西之南曰平則西之北曰肅清

西直門應卽元和義門明永樂十九年立說見東直門

安定門元曰安貞門明永樂間改名按明既減元都城北面之半則元城北面二門皆在

今城外故德勝門北八里之土城關皆指爲元城故址則安定非卽安貞也特元北面二門北之東曰安貞北之西曰健勝故

遂曰安定爲安貞德勝爲健勝耳

德勝門元曰健勝門明正統初改名說見上

外城包內城南面轉抱東西角樓

明嘉靖三十二年建

長二十八里凡七門

正南曰永定門南之東曰左安

俗呼殭門

南之西曰右安

俗呼南門

東曰廣渠

俗曰沙錫門

東北隅曰東便

抱角樓北向

西曰廣寧

俗曰彰義門金時舊

名也西北隅曰西便

抱角樓北向

壇廟

天壇周十里在正陽門外永定門之東

圓丘形圓象天南向三

成上成徑九丈高五尺七寸二成徑十有五丈高五尺二寸三

成徑二十一丈高五尺上成石面九重自一環甃遞加至九九

二成自九十遞加至百六十有三成自百七十遞加至二百

四十有三合一三五七九陽數每成四出陛皆白石九級上成

石闌七十有三成百有八三成百八十合三百六十周天之

度柱如之內壇形圓周百有六丈四尺高五尺九寸壇門四皆

六柱三門柱及楣闕皆白石扉皆朱櫺墀北門後爲 皇穹宇
南向環轉八柱圓檐上安金頂基高九尺徑五丈五尺九寸石
闌四十有九東西南三出陛各十有四級左右廡各五間一出
陛殿廡瓦皆青色琉璃圍垣形圓周五十六丈六尺八寸高丈
有八寸南設三門崇基石闌前後三出陛各五級外墻內垣門
四東泰元南昭亨西廣利北成貞成貞門北爲 祈年殿壇圓
三成南嚮上成徑二十一丈二成徑二十三丈二尺六寸三成
徑二十五丈面甃金甃圍以石闌南北三出陛東西一出陛上
成二成各九級三成十級壇上建殿制圓內外柱各十有二中
龍井柱四檐三重上安金頂左右廡各九間均覆青琉璃內墻
周百九十丈七尺二寸門四北門後爲 皇乾殿五間上覆青
琉璃南向正面三出陛東西一出陛各九級石闌五十有九又

安貞門外西北爲齋宮東向正殿五間崇基石闌三出陛後殿五間左右配殿各三間內宮牆方百二十三丈九尺九寸中三門牆外環池跨石梁三外宮牆方百九十八丈二尺環以迴廊復繞以深池宮門石梁均與內同

方澤壇在安定門外北郊形方象地方折四十九丈四尺四寸深八尺六寸濶六尺澤中貯水方丘北向二成上成方六丈下成方十丈六尺均高六尺上成正中六六方甃外八方均以八八積成縱橫各二十四路二成倍上成八方八八之數半徑各八路以合六八陰數皆甃以黃色琉璃每成四出陛各八級皆白石二成上南左右設岳鎮陵山石座北左右設海瀆石座內壇方二十七丈二尺高六尺壇北三門六柱東西南各一門二柱柱及楣闕皆白石扉皆朱櫺外壇方四十二丈高八尺門制與

內壇同壇南門後爲 皇地祇室五間北向覆黃琉璃圍垣正
方周四十四丈八尺高丈二尺北向設一門西北爲 齋宮東
向正殿七間崇基石闌五出陛左右配殿各七間內 宮門三
間左右各一外宮牆周百十丈二尺門三東向內垣周五百四
十九丈四尺北西各三門東南各一門外垣周七百六十五丈
西向門三角門一

太廟在闕左

街門在天安門內
右門在端門內

朱門黃瓦衛以崇垣大門三左右

門各一戟門五間崇基石闌中三門前後均三出陛中九級左
右各七級 前殿十有一間重檐四脊沉香柱階三成繚以石
闌正南及左右凡五出陛一成四級二成五級三成中十一級
左右九級凡歲暮大祫王公二人率宗室官奉 列祖暨 后
神位合祀於此時饗祇奉 中殿神位 祧廟主不與 中殿

九間同堂異室內奉 列聖 列后神龕均南向後界朱垣中
三門左右各一門 後殿如中制奉 祧廟神龕均南向 前
殿兩廡各十五間東廡爲配享王公位西廡爲配享功臣位廟
垣周二百九十一丈六尺

堂子在長安左門外玉河橋東

順治元年九月建

街門北向內門西向正

中爲 祭神殿南向前爲拜 天圓殿中設 大內致祭立杆

石座稍後兩翼分設各六行行各六重第一重爲 皇子致祭

立杆石座次親王郡王貝勒貝子公以次序列北向東南爲上

神殿南向凡每歲元旦及月朔國有大事則爲祈爲報皆

恭詣行禮大出入必告凱旋則列籙而告典至重也

社稷壇在闕右

與太廟東西相對

壇制方北向二成高四尺上成方五尺

二成方五丈三尺四出陛各四級皆白石上成以五色土辨方

分築內壇方七十六丈四尺高四尺甃以四色琉璃甃各隨方
色覆瓦亦如之門四各二柱柱及楣闕皆白石扉皆朱櫺壇北
拜殿戟門各五間上覆黃琉璃前後各三出陛壇垣周二百
六十八丈四尺內外丹腰覆以黃瓦北三門東西南各一門
朝日壇在朝陽門外壇制方西向一成方五丈高五尺九寸面甃
金甃陛四出皆白石各九級圓壇周七十六丈五寸高八尺一
寸正西三門東南北各一門凡甲丙戊庚壬年 親祭餘遣官
壇上金版朱書 大明之神位

夕月壇在阜成門外壇制方東向一成方四丈高四尺六寸面甃
金甃陛四出皆白石各六級方壇周九十四丈七尺高八尺壇
正東三門東南北各一門凡丑辰未戌年 親祭餘遣官壇上
黃版素書夜明之神位東向又綠版金書二十八宿之神位周